



Música en vivo e unha demostración de radioaficionados animarán o primeiro magosto popular que celebrará Encaixamos Val Miñor este sábado 3 de novembro a partir das 17 horas na zona da Praza de Abastos de Sabarís. A celebración rematará cunha tradicional Queimada, a que poderán degustar de balde os asistentes.

Encaixamos (Asociación de Persoas con Discapacidade do Val Miñor), contará coa colaboración de cantautores e grupos musicais que ofrecerán a súa arte de xeito gratuíto para colaborar coa entidade. Tamén ECO ALFA, grupo de radioaficionados, presentará unhas instalacións onde o público poderá asistir e participar dunha demostración das técnicas de traballo do colectivo.

Encaixamos, defínese como unha entidade que carece expresamente de ánimo de lucro, independente e libre, aconfesional, apartidista, non governamental e de carácter voluntario. O colectivo traballa pola plena inclusión das persoas con discapacidade en tódolos ámbitos da sociedade, a través da defensa e promoción dos seus dereitos, da reivindicación do cambio social e da prestación de servizos que satisfagan as súas necesidades e expectativas.